

Agiunta 1: Salaris maximalis imputabels (art. 9 al. 1)

(Versiun dal 1. da schaner 2025)

1. Chaussas generalas

Art. 1 Salarisaziun e pensums obligatorics

¹ Las tariffas maximalas imputablas per la salarisaziun, ch'èn fixadas en questa agiunta, sa basan sin il sistem da classas da funcziun da l'administraziun chantunala.

² Tar la fixaziun concreta dals salaris ston ils purtaders da scola eventualmain observar las tariffas pli bassas d'usit local.

³ Las scolas determineschon ils pensums obligatorics da las personas d'instrucziun en in reglament che vegn approvà dal departament. En il rom da las incaricas da prestaziun po il departament determinar las distgargias pussaivlas e maximalmain applitgablas u applitgar indicaturs per lur renconuschientscha.

2. Reglamentaziun dals salaris per purschidas transitoricas, per scolas professionalas spezialisadas e per la scola professionala d'hotellaria

Art. 2 Grondezza da la scola

¹ Tar tscherzas funcziuns dependa ina determinaziun dal salari, che corresponda a l'incumbensa e ch'è differenziada, da la grondezza da la scola. I vegnan differenziadas:

- a) scolas, en las qualas vegnan instruidas dapli che 24 000 lecziuns, valan sco scolas grondas. Ellas han la pussaivladad da nominar mintgamai ina commembra u in commember da la direcziun da la scola en uffizi cumplain per mintga 24 000 lecziuns dadas;
- b) scolas, en las qualas vegnan instruidas main che 24 000 lecziuns, han il dretg d'ina direcziun da la scola proporziunala. La quota imputabla e la classificaziun imputabla vegnan fixadas individualmain dal departament.

Art. 3 Categorias da collavuraturas e collavuratur e salaris maximalis renconuschids

¹ I vegnan differenziadas las suandantas categorias da personas d'instrucziun e da collavuraturas e collavuratur e fixads ils suandants salaris maximalis renconuschids tenor il sistem da classas da funcziun da l'administraziun chantunala:

430.300-A1

Funcziun	Classa da funcziun
rectur/-a, directur/-a (scola gronda)	25
commember/-bra da la direcziun da la scola (vicedirectur/-a, prorectur/-a, conrectur/-a e.u.v. d'ina scola gronda)	23
persuna d'instrucziun da la maturitad professiunala e persunas d'instrucziun da roms che premettan in studi universitar	21
persuna d'instrucziun da l'instrucziun da furmaziun generala	
persuna d'instrucziun da sport (diplom universitar sco persuna d'instrucziun da sport, cun furmaziun pedagogica da la professiun da 300 uras d'emprerder)	
persuna d'instrucziun da las enconuschientschas da la professiun IV (examen professiunala superiur cun diplom federal u master, cun ina furmaziun pedagogica da la professiun da 1800 uras d'emprerder)	
persuna d'instrucziun da las enconuschientschas da la professiun III (examen professiunala superiur cun diplom federal u master, cun ina furmaziun pedagogica da la professiun da 300 uras d'emprerder)	20
persuna d'instrucziun da las enconuschientschas da la professiun II (scola spezialisada superiura u bachelor, cun furmaziun pedagogica da la professiun da 1800 uras d'emprerder)	
persuna d'instrucziun da las enconuschientschas da la professiun I (scola spezialisada superiura u bachelor, cun furmaziun pedagogica da la professiun da 300 uras d'emprerder)	19
persuna d'instrucziun da tscherna da professiun (autorisaziun d'instruir sin il stgalim secundar I cun scolaziun supplementara sco coach da tscherna da professiun)	
persuna d'instrucziun spezialisada II	18

(examen professional superior cun diplom federal u autorisaziun d'instruir sin il stgalim secundar I)	
persuna d'instrucziun spezialisada I (examen professional cun certificat professional)	15

Tar las funcziuns menziunadas qua sutvart che n'han nagina specificaziun u che appartegnan a pliras classas da funcziun pussaivlas, vegn l'attribuziun definitiva ad ina classa da funcziun fatga sin basa dal carnet d'obligaziuns, suenter avair consultà l'uffizi cumpetent.

Funcziun	Classa da funcziun
funcziun da stab pli auta	19
manader/-dra da las tecnologias d'infurmaziun	18
manader/-dra da partizium dals servetschs	17
spezialist/-a dad I+D II (cun bachelor)	15
referendari/-a da fatgs da personal II (cun certificat professional federal)	14
contabilist/-a (cun certificat professional federal)	
spezialist/-a dad I+D I (cun attestat federal da qualificaziun)	13
secretari/-a I – IV	10–13
pedel/-la	10
secretari/-a, telefonist/-a	8/9
assistent/-a da biro	7/8

² Persunas che lavuran a temp parzial survegnan in salari proporziunal a lur funcziun. Per persunas d'instrucziun a temp cumplain da scolas autas professionalas che adempleschan in pensum parzial da maximalmain 30 pertschient da soluziuns transitoricas èn imputablas las tariffas per persunas d'instrucziun da scolas autas professionalas. A persunas d'instrucziun a temp cumplain da soluziuns transitoricas che instrueschan singuls roms en scolas professionalas spezialisadas po il departament approvar ina classificaziun proporziunala sco persuna d'instrucziun da scolas autas professionalas.

³ Per personas d'instrucziun che n'adempleschan betg las pretensiuns minimalas legalas po l'uffizi conceder en cas excepziunals – sin dumonda da la direcziun da la scola – ina permissiun individuala d'instrucziun. Personas d'instrucziun cun ina permissiun individuala d'instrucziun ston vegnir classificadas almain ina classa da salari sut las personas d'instrucziun da la classa da funcziun correspondentia che adempleschan tut las pretensiuns formalas.

3. Reglamentaziun dals salaris tar las instituziuns da la furmaziun professiunala supplementara e tar las scolas spezializadas superiuras

Art. 4 Princip

¹ Ils salaris en il sectur da la direcziun da la scola, da l'instrucziun, dal transfer da tecnologia e da savida sco er da la perscrutaziun e dal svilup ch'è orientà a l'applicaziun sa drizzan tenor l'artitgel 5.

² Per il personal che instruescha en la scolaziun professiunala supplementara e per las ulteriuras collavuraturas e per ils ulteriurs collavuratur valan las categorias da salari e las classas da salari tenor l'artitgel 3. Per personas che lavuran a temp parzial e per personas d'instrucziun che n'adempleschan betg las pretensiuns minimalas legalas, valan las disposiziuns da l'artitgel 3 alineas 2 e 3.

³ Tar la furmaziun supplementara professiunala tutgan curs preparatorics per examens professiunals federals e per examens professiunals superiurs. Il medem vala per scolaziuns da maturitad professiunala che vegnan fatgas suenter l'emprendissadi.

⁴ Per la classificaziun da collavuraturas e collavuratur che na pon betg vegnir classificads tenor l'artitgel 3 vala il plan general da classificaziun dal chantun Grischun.

Art. 5 Scolas spezializadas superiuras

¹ Las suandantas categorias da personas d'instrucziun vegnan differenziadas, ed i vegnan fixads ils suandants salaris maximalis reconuschids tenor il sistem da classas da funcziun da l'administraziun chantunala:

Tar las funcziuns menziunadas qua sutvert che n'han nagina specificaziun u che appartegnan a pliras classas da funcziun pussaivlas, vegn l'attribuziun definitiva ad ina classa da funcziun fatga sin basa dal carnet d'obligaziuns, suenter avair consultà l'uffizi cumpetent.

Funcziun	Classa da funcziun
directur/-a	25
commember/-bra da la direcziun da la scola (commember/-bra da la direcziun)	23

directur/-a administrativ/-a (commember/-bra da la direczion)	
manader/-dra da partizium	22
docent/-a III (master [consecutiv] cun furmaziun pedagogica da la professiun e cun furmaziun didactica da 1800 uras d'emprander)	
docent/-a II (bachelor, scola spezialisada superiura u examen professional superiur cun diplom federal sco furmaziun pedagogica da la professiun e cun furmaziun didactica da 1800 uras d'emprander)	21
manader/-dra dals servetschs	
docent/-a I (bachelor, scola spezialisada superiura u examen professional superiur cun diplom federal sco er cun furmaziun pedagogica da la professiun e cun furmaziun didactica da 300 uras d'emprander)	20

² Per docentas e docents en uffizi cumplain da scolas spezialisadas superiuras che adempleschan in pensum parzial da maximalmain 30 pertschient en la scolaziun professiunala supplementara èn imputablas las tariffas per docentas e docents da las scolas spezialisadas superiuras. A docentas e docents en uffizi cumplain dal stgalim da la furmaziun supplementara e dal stgalim secundar II che instrueschan singuls roms en ina scola spezialisada superiura po vegnir concedi dal departament ina classificaziun proporziunala sco docenta u docent da las scolas spezialisadas superiuras.